

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Loci theologici**

**Hafenreffer, Matthias**

**Wittebergae, 1622**

IX. Locus. De inferior

[urn:nbn:de:bsz:31-122765](https://nbn-resolving.org/urn:nbn:de:bsz:31-122765)

Ut impiorum conatu & mille fraudes, quæ omnes ibi manifesta erunt, hujus recordatione frangantur.

I I.

Eccl. 7, 49. In omnibus operibus tuis memorare novissima tua: & in aeternum non peccabis.

Qui errores hinc fugiendi?

Epicureorum & illusorum, qui ut nullum diem novissimum: sic nullum etiam judicium extremum esse credunt: At thosaurizant sibi iram in diem ire.

IX. LOCUS:

## DE INFER- NO.

Dixisti impios in inferni cruciatus præcipitandos: quinam sunt illi cruciatus?

**S**unt animi & corporis (utrumque enim peccaverat) exquisitissimi dolores, orti ex pavore ac sensu justissime iræ vindictæque divine contra peccata, quorum tristissimam conscientiam secum circumferunt: quorum turpitude patet: quorum etiam nulla in posterum remissio, & inde poenarum nulla mitigatio aut finis sperari potest. Unde horribili lamentatione & ejulatu pristinam impietatem suam, quæ jussa Domini, quæ fraternas admonitiones & omnia salutis assequende media securè neglexerunt, miseri detestabuntur: sed frustrâ. Nam in perpetuo angore, tremore horribili, in pudore, confusione & ignominia, in igne inextinguibili, in fletu & stridore dentium, in aeternis & horrendis tenebris, avulsi à Dei gratia & favore, inter Diabolos, horrendum & sine fine in aeternum excruciantur.

X x 2

No. 1.

Nondum tamen intelligo, quales illi  
sint cruciatus?

Quia futura damnatorum tormenta, omnem humane mentis aciem longè excedunt, ut neq̄ cogitatione magnitudinem illorum unquam assequi valeamus: Ideo quinam, aut quales illi futuri sint, verbis satis exprimi non potest. Scriptura tamen, ut maximos & exquisitissimos istos cruciatus esse ostendat: illis rebus eos assimilat, quibus in hac vita summus & animi & corporis dolor excitari solet. Propterea nunc igni, nunc stridori dentium, nunc vermibus, nunc tristissimis tenebris, & quæcunq̄, aliæ res tristitia & doloris plenissima nominari possunt, comparantur.

Esa. 66, 24. Vermis eorum non morietur, & ignis non exstinguetur.

Matth. 5, 22. Qui dixerit fratri suo: Fatue, reus erit Gehennæ ignis.

Matth. 8, 12. Filij regni ejicientur in tenebras exteriores, ibi erit fletus & stridor dentium.

Apoc. 16, 20. Vivi misi sunt in stagnum ignis ardentis sulphure.

Greg super illud Matth. 8, v. 12. Ejicientur in tenebras, &c. In inferno erit frigus intolerabile, ignis inextinguibilis, vermis immortalis, fœtor intolerabilis, tenebræ palpabiles, flagella cædentium, horrida visio Dæmonum, conclusio peccatorum, desperatio omnium bonorum. Erit enim miseris mors sine morte, defectus sine defectu: quia mora ibi semper incipit & deficere nescit.

Quomodo probas illos cruciatus  
esse æternos?

Quia Scriptura hoc pluribus in locis affirmat.

Esa.

Esa. 66. 24. Vermis eorum non morietur, & ignis eorum non extinguetur.

Matth. 3, 12. Paleas comburet igni inextinguibili.

Matth. 25, 41. Discedite à me maledicti in ignem æternum.

2. Thef. 1, 9. Pœnas dabunt æterni exitij.

Apoc. 0, 6. Querent homines mortem, & non invenient eam, & desiderabunt mori, & fugiet mors ab eis.

Sed cùm dixeris: Istos cruciatus etiam ad corpora pertinere, quomodo illa in flammis

& alijs cruciatibus perpetuò durare poterunt?

Quia ex resurrectione incorruptibilia corpora habebunt, quod ipsum tamen illis graviori pœna cedit: cùm perpetua corruptione nunquam corrumpi possint. Et sicut corpora non amplius, ut jam sunt, naturalia futura sunt: ita nec ignis iste futurus est Elementaris.

Futurine sunt gradus cruciatuum in Inferno?

Futuri sunt:

Qui enim in carne vixerunt sceleratius: in inferno torquebuntur gravius.

Matth. 11, 21. Væ tibi Corazim, væ tibi Bethsaida, quia si Tyro & Sidon factæ essent virtutes, quæ factæ sunt in vobis, olim in cilicio & cinere penitentiam egissent. Veruntamen dico vobis, Tyro & Sydon tolerabilius erit in die Iudicij, quàm vobis.

Matth. 23, 14. Væ vobis Scribæ & Pherisæi, hypocrite, quia comeditis domus viduarum. Orationes longas orantes, propter hoc amplius accipietis iudicium.

Luc. 12, 47. Ille autem servus, qui cognovit voluntatem Domini sui, & non se preparavit, & non fecit secundum voluntatem eius, Vapulabit multis

Sap. 6, 6. Horrendè & cito apparebit vobis: quoniam iudicium Durissimum in his, qui presunt, fiet. Exiguo enim conceditur misericordia: potentes autem potenter tormenta patientur.

### Quis est usus hujus Loci?

Ut vel solâ recordatione horribilium inferni cruciatuum, peccata, & infidelitatem, qua impenitentes in infernum precipitant, in omni vita nostra exhorrescamus: & e contra, per veram fidem & penitentiam, in Christo ad vitam æternam consequendam, diligenter studeamus.

Eccles. 7, 40. In omnibus operibus tuis memorare novissima tua, & in æternum non peccabis.

Et eleganter Chrysof. Non sinet in Gehennam incidere, Gehennæ meminisse.

### Quinam Errores hic fugiendi sunt?

- I. Epicuræcorum securitas, qui neque Diabolo, neq; infernum, aut certè non tantos ejus cruciatu esse credunt.
  - II. Multorum temeritas, qui horribilium inferni cruciatuum nihil memores, non modo peccata non fugiunt, sed damnata levitate seipsos gehennæ supplicijs sepiissime devertunt.
  - III. Origenis error, qui Diabolo & damnatos, propter infinitam Dei misericordiam, vel tandem salvandos esse, statuit. Sed cum Deus non tantum misericors, verum etiam Iustus & Verax sit atq; misericordix suæ rationes de hominum salute, ita explicaverit, ut qui in hac vita in Christum crediderit, in æternum
- salvus.

salvus, qui  
rit, in æt  
eius accus  
bedientia  
ne, proposit  
nunciatur

D E

Quide

B E

turus est

omnes

obringe

eminet

fit glori

serum

aut del

i. Ca

in Cor

diligun

E

E

glorio

&amp; cor

salvus, qui verò in hac vita in Christum non crediderit, in æternum damnatus esse debeat: misericordia ejus accusari nulla ratione potest, si in hominibus inobedientibus & impijs, qui suã culpã & ingratitude, proposita salutis mediã neglexerunt, jam ante denunciatã justiciã & veritatem exequitur.

X. LOCUS.

DE VITA ÆTERNA.

Quid est Vita Æterna, ad cujus fructum introduci dixisti fideles & pios?

**B**Eatè illius, & æternæ felicitatis, quã Deus Optimus Maximus, credentes in Christum coronaturus est, summa quidem majestas & amplitudo, res omnes creatas, & quarumcunq; nobis notitiã aliqua obtingere potest, tanto intervallo, ad eò distanter, atq; eminenter excedit: ut Qualis illa & Quanta futura sit gloria, nemo mortalis homo, verbis satis dignis, & rerum gravitati commode convenientibus, exprimere aut delineare possit.

1. Cor. 2, 9. Oculus non vidit, nec auris audivit, nec in Cor Hominis ascendit, quæ preparavit Deus his, qui diligunt illum.

Annón aliqua saltem ratione describi potest?

Est ineffabilis beatitudo, quã fideles, receptis gloriosis, & spiritualibus corporibus, omni & peccato & corporis infirmitate liberati, in ipso Deo, cū sanctis